

Graf Rüdolf von Montfort<sup>1</sup> stiftet an den von ihm er-  
richteten Altar in der St. Nikolauskirche zu Feldkirch  
einen Jahrtag und übergibt dem Kaplan des Altars, Heinrich  
von Ems dafür mehrere Zinse, darunter auch von Vaisslis<sup>5</sup>  
Weingarten zu Vaduz.

„Ich Graue Rüdolf von Montfort<sup>1</sup> herr zu Veltkilch künd vnd vergih offenlich an disem brief, allen den die in sehent / alder hörent lesen. das ich gesunt Libes vnd mütes, mit güter williger vorbetrachtung nah Rät miner fründ / vnd erben. vnd nah Rät miner Sünen Graf Vlrichs<sup>2</sup> vnd Graf Rüdolfs<sup>3</sup> Tümprobstz ze Chur, Luterlich / durh Got, vnd durh minr Sel hail willen. Vnd durh mins Vatters sälligen. minr Mütter Sälligen/ minr frowen sälligen, vnd aller minr Vordern sälligen hail willen. han bewidemt, bewiset vnd geben / an den altar den ich gestift, vnd gebuwen han. vnd dar vnder min vordern Rūwent<sup>4</sup> in sant Nicolaus / kilchen ze Veltkilch. mit Solichem Gelt an Win.an Waissen. vnd öch an phenningen als hie nah beschaiden / ist. Vnd also daz daz selb Gelt iärklich her Hainrich von Emtz der hüt ze tagen min Capplan ist / des selben altars, vnd welhe Priester her nah Capplan wirt des selben altars, innemen. bruchen vnd / niessen. sol ze andächtigem almüsen. durh minr vnd der obgedahten Selan hail willen. . . Des Ersten /Vier Söm Wingeltes Veltkilcher messes die ich han vss Vaisslis<sup>5</sup> wingarten ze Vadutz. vnd zwelf Scheffel/ waissen geltz Veltkilcher messes. vnd öch zwelf Schilling phenning geltes Costentzer münss vsser minem Hof / ze Läuias<sup>6</sup>, vnd öch drithalb phunt vnd Siben Schilling phenning geltes Costentzer münss vsser dem/Houe ze Houen<sup>7</sup> genant an Pouel . . . Das alles dem obgenanten minem Capplan her Hainrichen von / Emtz. vnd welhe her nah Capplan wirt des obgenanten Altars. die obgenanten nütz vnd zins werden / sond vor vss, vnd vor den andren zinsen die die selben höf geltend ab Grund ab Grat ab aller zuegehörd / Jch Graf Vlrich<sup>2</sup> vnd Graf Rüdolf<sup>3</sup> Tümprobst ze